

also umbe eyn totslag, der do geschen ist an Johannes Schiferdegkern, der Moricz Schiferdegkers brudir gewest ist, also das Nickel Frosz vor alle ding geben sal czwelff schog groschen, der sal er Moriczen obenbenant 4 ß geben uff ostern schirst komende. Dovor gereth haben Johannes Wetterhan, Jorg Tumpil und Kristan Schurer und sal ym 4 ß geben uff Michaelis dornach folgende und abir dornach uff winachten 4 ß gr, und dy 8 ß sal er ym vorburgin czum Gyer, er wenne er yn ausz der achte lest. Auch schal Nickel Frosz hundirt selmessen und hundirt vigilien bestellen czu Irwirsdorff mit wissenschafft, do der tote lichnam begrabin leit. Auch so sal Nickel Frosz ym brudirschafft gewinnen in hundirt klostern. Auch sal er ym saczczen eyn steynen creucz und sal yn von gericht burgin und sal ym irgeczung thun mit synen frunden. Wenne daz so geschen ist, so sal dy sache eyn gericht sache seyn mit allen den, dy der ynnen verdacht seyn uff beyden seyten.

## 866.

1439 Januar 12

### ***Erbvergleich zwischen den Familien von Stechaw und Funkel.***

*fol. 161r* Anno domini MCCCCXXXIX am montage nach Erhardi ist von beyden rethen in der gutlichkeit beteydingit czwischen Jorgen Ffungkeln als eyn furmunde Margarethan, synes elichen wibes, uff eyne und Hanszen von Stechaw und Claran, synir elichin wirtin, uff dy andere partye umbe solche ertheil und gebure, als der genante Jorge von synir wirtin weyn by Stechaw und synem wibe gehabt han, also daz Stechaw unde seyn weip Jorgen Ffungkeln und synem wibe zcu dem daz ir vormals usz den gutern worden ist hantheysig machin und an yn burgin sal bynnen unserir frawen tage nest kommende eyn hundirt schaffe eynscheriges viehis lantwerung mit dem czinsze, der sich doruff machin wirdit by dem scheffir zcu Bergaw, als an yn komen sint. Dorczu sal er ym reichin und geben 40 ß aldir misner groschin odir 13 ß <sup>(a)20 gr<sup>a</sup></sup> nuwis geldis, dy er ym one vorczug, sūmen und ane mogeliche scheden bezalen sal uff unsern jarmargk trinitatis schirst kommende und doruff so sullen sy allir irniesz, bruche czwischen yn vorlauffen biz uff dieszen hutigen tag gancz und gar gericht, gesunt und geeynt seyn und der genante Jorge mit synem elichin wibe sullen sich doruff vorczyhen sulchis angefellis, dy sy von irin vater angestorben ist, als oben berurt ist, an arg und an geverde. Dy fruntliche beteidigunge sy uff beyden partyen so vorjoburt und gelobit haben, so zcu halden an arge list.

*a-a) über die Zeile geschrieben*